

## Ruangan Mengenalkan Negara-negara Islam

### Kuwait Negara Kecil Tetapi Kaya Raya Kerana Minyak

Ruangan mengenalkan negara-negara Islam ini, pertama-pertama kita keluarkan dan kita harap akan berfaedah kepada pembaca-pembaca untuk mengenal dan mengetahui keadaan negara-negara Islam yang telah banyak timbul dan merdeka pada masa sekarang. Dengan mengenalkan negara-negara Islam ini kita berharap dapatlah kita mengetahui perihal dan kedudukan negara-negara Islam yang menjadi saudara kepada kita. Kita mulakan ruangan ini dengan mengenalkan negara Kuwait kerana bersempena hari kemerdekaannya pada 19 Jun. Harap akan dapat kita ketahui sedikit sebanyak perihal negerinya. Ini bertambah-tambah lagi bagi pembaca-pembaca di Malaysia dengan rasminya telah mengumumkan bahawa hubungan-hubungan diplomatik akan dibuat dengan mengadakan kedutaannya di negara Kuwait. Negara Kuwait telah menjadi mustahak pada pandangan dunia kerana kekuatan kewangannya sekalipun ia sebuah negara yang kecil

(Oleh Edrus)

Kuwait terletak di sebuah tanjung di Teluk Arab di antara tanah Arab dan Iran. Di utara dan di barat bersempadan dengan Iraq, di sebelah selatan dan barat daya dengan tanah 'Arabiyyah Sa'udiyyah; dan dari sebelah timur dengan Teluk Arab. Luasnya 15,000 kilometer (9,375 batu) persegi termasuk kawasan berkecuali ini diadakan mengikut perjanjian 'Ujayr dan ditadbir bersama di antara kerajaan Kuwait dan kerajaan 'Arabiyyah Sa'udiyyah. Penduduknya sebanyak 500,000 orang (hampir kesemuanya orang Islam) dan penduduk bandar Kuwait sendiri (sebagai ibu negeri) sebanyak 210,000 orang.

Hasil-hasil yang utama ialah minyak. Pada tahun 1962 mengeluarkan sebanyak 81 milion tan minyak mentah dan mengeluarkan hasil-hasil lain, seperti ikan, mutiara, bulu kambing dan kulit dipukul rata hasil tiap-tiap penduduk Kuwait sebanyak 1,000 dinar (bersamaan £1,000

sterling) Kuwait menjadi anggota Bangsa-bangsa Bersatu pada 14 Mei 1963. Bandar Kuwait ialah ibu negerinya dan di sifilah tempat pemerintahan dan pusat perniagaannya. Mereka telah membangunkan 9 buah daerah-daerah baharu iaitu: al-Dasmah, al-Syamiah, Suez,



Syekh Jabar al-Ahmad Perdana Menteri Kuwait yang baru-baru ini dilantik menjadi Putera Mahkota Kuwait.



Sheikh Mubarak al-Sabah



Sheikh Salim al-Mubarak al-Sabah



Sheikh Ahmad Al-Jabar al-Sabah



Sheikh Abdullah al-Salim al-Sabah

\*

\*

\*

\*

Kaifan, al-Fayha, al-Qadsiah, ad-Diya', al-Khaldiah dan al-Sha'iba. Rancangan-rancangan masih dibuat untuk mengadakan bandar atau daerah-daerah baharu – sekali pun tempat itu kebanyakannya tanah pasir.

Tiap-tiap daerah yang didirikan mempunyai kedudukan bersendirii dan mempunyai keperluan-keperluan yang lengkap untuk daerah-daerah itu seperti; sekolah, klinik, tempat perniagaan, masjid, kelab, padang-padang permainan dan padang am.

Daerah-daerah disusun sebegitu rupa

sebagai Bandar baharu yang moden, dan ada lima daerah yang utama yang mengelilingi bandar Kuwait yang indah iaitu:

1. Al-Jahra: tempat pertanian terletak di sebelah bandar Kuwait.
2. Al-Salimiah: tempat perumahan terletak di selatan bandar Kuwait.
3. Hawali: lagi tempat perumahan tempat tinggal.
4. Al-Fadail: sebuah Bandar di tepi pantai berhampiran dengan Ahmadi dan
5. Ahmadi: ibu pejabat

syarikat Kuwait


Ahmadi inilah terletak pelabuhan minyak persinggahan kapal-kapal minyak yang besar dari seluruh dunia dan dapat menempatkan 10 buah kapal-kapal besar minyak di situ setiap hari.

Pelabuhan Shuwaikh pula ialah bandar pelabuhan bagi perniagaan bagi bandar Kuwait. Pelabuhan ini diluas dan dibesarkan dan mempunyai alat-alat punggah memunggah yang *modern*.

Pelabuhan kapal terbang telah dibina dengan memakan belanja sebanyak 10



Bangunan Dewan Rakyat Kuwait



Majlis Mesyuarat Kuwait sedang di dalam sidangnya. Speaker bagi majlis mesyuarat itu ialah Shaykh Saud bin Abdulaziz al-Abdul Razak adinda kepada Shaykh Muhammad bin Abdulaziz al-Abdul Razak saudagar yang terkenal di Singapura.

\*

million dinar yang membolehkan kapal terbang-kapal terbang desar antara nasional turun di sana.

#### **Ekonomi dan pembinaan:**

Hasil-hasil Kuwait adalah terletak kepada hasil minyaknya yang besar menjadi yang kedua besarnya di timur tengah. Daripada hasil negara inilah kerajaan Kuwait mengutamakan kebaikan-kebaikan untuk rakyat negaranya. Kesulitan-kesulitan mengenai air dapat diatasi dengan jayanya sehingga sekarang di Kuwait dimana-mana dengan mudahnya mendapat air tawar. Pada tahun 1953 air dapat diadakan semilion gelen tiap-tiap

hari tetapi kerana hajat-hajat yang besar dikehendaki – Kuwait sekarang boleh mengadakan lebih 6 milion gelen sehari dengan mengusahakan air-air tawar yang yang dibuat daripada air laut. Kerajaan Kuwaitlah yang mempunyai projek menjadikan air masin kepada air tawar yang besar sekali di dalam dunia. Masa sekarang mereka mendapat pula mata air untuk menambah keperluan itu di al-Rawdatain berhampiran dengan sempadan di sebelah utara.

Kerajaan Kuwait, dalam membentuk penduduknya telah mengadakan suatu peraturan bahawa belanja bagi tiap-tiap kanak-kanak yang dizahirkan disediakan oleh

kerajaan Kuwait sehingga mereka dewasa. Sekolah percuma dari *kindergarten* membawa kepada universiti diberikan percuma.

Di sana, bagi penduduk-penduduk yang hanya setengah milion, ada mempunyai 116 buah sekolah kerajaan, 30 buah *kindergarten* (sekolah kanak-kanak-), 37 buah sekolah permulaan (*primary*); 43 buah sekolah sambungan; 5 buah sekolah menengah, di dalamnya sebanyak 79,122 orang murid termasuk di dalamnya 32,509 (sambungannya di muka 24)